

( اونونجو جمهوریت باشقانلیغی سئچکیلرینه عاید )

## آذربایجان مدنی - سیویل فعال لاری نین دوزه نله مه شوراسی

### اؤز فعالیت لرینه داوام ائتدیره جک!

شرفلی، اونودولماز آذربایجان فعالی، رحمتلیک غلامرضا امانی نین انما مراسیمی زامانی تبریزده بعضی دوستلار بو قرارا گلدیلرکی، جمهوریت باشقانلیغی سئچکیلرینه تفاوت سوز قالمایب، عمومی بیر شورا قورماغا چالیشیب و بو شورا چرچیوه سینده فعالیت ائتسینلر.

دورومون چتین لیک لرینه گۆره، شورا قورما ایشی چوخ آغیر ایره لی گتدی.. بو ایش هر یئردن آرتیق تهراندا یوباندی. اردبیل، تبریز و ... دوستلاری نین تاکیدی ایله بعضی دوستلار تهراندا شورا قورما وظیفه سینی عهدهلرینه آلدیلار و قرار اولدو تهرانین محله لری، کرج، قلعه حسنخان، اشتهاارد، روده ن، قزوین، کهریزک، هشتگرد، محمدشهر، شمیران، ساوه، قم، ورامین، اسلامشهر، باغ فیض، شهر ری، مامازان، واوان، اندیشه، قرچک، ایوان کی، کن، دهکده المپیک و ... ده شورا قوروب، سئچیلیمیش نوماینده لرینین اشتراکی ایله تهران استانی نین عمومی شوراسی قورولسون. هابئله قرار ایدی اؤیرنجی سل شورا دا بو شورا ایله یاناشی آیریدا قورولسون. اوراجان کی، ممکن ایدی دوستلارین یاردیمی ایله شورا قورما ایشی ایره لی گتدی، بعضی یئرلرده سرعتله، بعضی یئرلرده یوباناراق. هر حالدا ایگیرمی ( ۲۰ ) شهر و محله، شوراسینی قوروب و نوماینده لرینی سئچمیشدیلر . بیر نچه یئرده ده هله بو ایشی قورتارمایب.

بعضی چاتیشمامازلیقلار گۆره اؤیرنجی سل شورای نین قورولماسی اصلی هدف دن اوزاقلاشیب یوبانمیشدی. بو آرادا بیر سیرا اؤیرنجی اولمایان دوستلار بعضی اؤیرنجی لرله بیرلیکده بیر شورا قورماغا چالیشاراق ۶۲ نفر دن دعوت ائتمیشدیلر کی، تخمینا ۳۰-۳۲ نفر گلیب و ترکیبینه هم اؤیرنجی هم ده اؤیرنجی اولمایانلار داخل اولموش ۹ نفر لیک بیر شورا سئچیلرلر. سونرا بو دوققوز نفر دن ایکی نفر، هابئله ایکی نفر نفرده یوخاریدا آدی چکیلن شورالارین طرفیندن موقتی و بیر جلسه لیک اولاراق آذربایجان عمومی شوراسینا قوشولماغا اعزام اولدولار. سؤزو گئدن نوماینده لر آذربایجان عمومی شوراسیندا حاضر اولوب بیر سیرا قرارلاری دا قبول ائتمیشدیلر. اوجمله دن قرار اولموشدو آذربایجان عمومی شورانین ایکینجی جلسه سینه، تهران استانی نین قطعی و رسمی نوماینده لری اعزام اولونسون. بو آرادا یوخاریدا آدی چکیلن دوققوز نفر لیک شورانین ان آزی ایکی نفری بعضی مسئله ره گۆره او شورادان قیراغا چکیلیر . اونون آردینجا یئرده قالان لار اینتترننت واسیطه سیله قیسا بیر بیانیه ده بو فعالیتلردن اؤز قیراغا چکیلمه لرینی اعلان ائدیب، استعفا وئرمیشدیلر. بو گؤزلنیلمز استعفا چوخ تأسفلندیرجی ایدی. آنجاق بیر تصمیم دیرکی، دوستلار توتوبلار. تهران استانی نین شوراسی بو تصمیمه احترام قویاراق اؤز فعالیت لرینه داوام ائتدیرمه یی اؤزونه وظیفه و بورج بیلیر.

بونو دئمک ده لازیم گؤرونو کی، گلن جمعه یه قدر ( ۲۵ / ۲ / ۱۳۸۸ ) شورا قورما ایشی تهراندا سونا چاتا جاق. و تهران استانی نین شوراسی، آذربایجان عمومی شوراسینا اؤز قطعی و رسمی نوماینده لرینی گؤنده ره جک.

دقت و آییق لیق لا سئچکی لری و اونا عاید مسئله لری گؤز آلتینا آلاق!

جمعه گونو ۱۸ / ۲ / ۱۳۸۸ - آذربایجان سیویل - مدنی فعال لاری نین دوزه نله مه شوراسی

( اونونجو جمهوریت باشقانلیغی سئچکیلرینه عاید )